

## اوسقوف «تئودورس» قبطی‌لرین تازا پاپی اولدو

مصر قبطی‌لر کلیساسی پوشک آتماغینان، اوسقوف «تئودورس»-و دنیا قبطی‌لرین رهبری و پاپی کیمی سئچدی.

عربی اسکای نیوزون وئردیغی خبره گؤره، مصرین قبطی‌لر کلیساسی، پوتک آتماق یولو ایله مصر و دنیا قبطی‌لرین پاپینی تعیین ائتمک اوچون اوچ نامزد ایچیندن 60 یاشلی اوسقوف تئودورسو، قبطی‌لرین یوز اون سککیزینجی پاپی و معنوی رهبری عنوانیندا سئچدی. تئودورس، پاپ «شنوده»نین اؤلوموندن سونرا قبطی‌لرین یوز اون سککیزینجی پاپی کیمی بو مقاما منصوب اولدو. مصر قبطی‌لر کلیساسی قاباقچادان ایننتیخابات قورماغینان اوسقوف رافائل، اوسقوف تئودورس و کشیش رافائل آقامینیانی، ایلکین بئش نامزدین ایچیندن اصلی نامزد عنوانیندا سئچمیشدی و پوشک آتما مراسیمی بو اوچ نامزدین آراسیندا ایجرا اولدو. مصر قبطی‌لری بو اۆلکه جمعیتی‌نین یوزده اونون تشکیل وئریرلر و آمریکا، کانادا و سوداندا و آیری اۆلکه‌لردهده چوخلی قبطی یاشاییر.